


La Bib pou ti moun
prézanté

Kòmansman
foli lèzòm



Ékri pa : Edward Hughes

Ilistré pa : Byron Unger; Lazarus; Alastair P.

Adapté pa : M. Maillot; Tammy S.

Tradwi pa : Christine Pierre-Lhermite

Pwodwi pa : Bible for Children

www.M1914.org

BFC

PO Box 3

Winnipeg, MB R3C 2G1

Canada

©2021 Bible for Children, Inc.

Lisans : Ou gen dwa pou copyé o swa fè fotocopi istwa sa,
dépi sé pa pou van-n ou fè li.



Bondyé kréyé tout bagay ! lè
Bondyé kréyé prémyé moun sou tè-a,
Li rélé li Adan. Apré sa Li kréyé yon
prémyé fi Li té rélé Ève. Yo tou lè dé
tap viv nan yon jaden Bondyé té kréyé
ki té rélé jaden Èdèn. Yo
tap viv ak lajwa épi yo pat
janm manké
obéyi Bondyé
jiskaské
yon jou
rivé ...



Yon sèpan vin palé
ak Ève é li pozé-l
késyon sa "Èské
Bondyé di nou pou
nou pa manjé
anyen nan tout
pyé bwa
jaden-an ?"



Ève réponn, non
Li pa di sa "nou gen
dwa manjé tout fwi
nou jwenn nan tout
pyé bwa yo, éksépté
yon sèl. Si nou manjé
fwi nan pyé bwa sa Li
pa vlé-a, si menm
sèlman nou manyen li
nap mouri".





Sèpan-an réponn
"sé pa vré ou pap
mouri" sèlman li tap
ri pa anba. Sèpan-an
di-l konsa "Si ou manjé nan
fwi sa, wap vin tankou
Bondyé". Sa fè ké, kòm
Ève té déjà gen anvi
manjé fwi-a, li kité
sèpan-an konvenk li
é li manjé fwi-a.



Apré Ève fin dézobéyi Bondyé,
li konvenk Adan pou-l manjé
yon moso nan fwi-a tou. Adan
té gen dwa réfizé, li té gen
dwa di Ève "non, mwen
pap dézobéyi lòd
Bondyé" sèlman
li pa fè sa.





Kou
Adan ak Ève fin
fè péché-a, yo vin gen konésans ké
yo kò touni. Alò, yo chaché fèy figyé yo maré
ansanm pou yo té sa kouvri kò yo. Apré sa yo al
kaché kò yo nan rajé pou yo pa kwazé ak Bondyé.



Nan fréchè aswè, Bondyé tap pwomenen nan jaden-an. Li té konnen kisa Adan avèk Ève té fè. Adan akizé Ève. Ève akizé sèpan-an. Bondyé di konsa "map lagé malédiksyon sou sèpan-an. Fi-a li menm, mwen vlé pou li gen gwo doulè chak fwa lap akouché yon pitit".



Apré sa, Bondyé di Adan konsa
"dèské ou péché tou, map lagé
malédiksyon sou tè-a, sé pou
rajé lévé tout koté, ansanm ak
pis ki konn gaté jaden. Wap
gen pou-w soufri ak pou-w swé
pou-w sa rivé manjé chak jou".



Lè Bondyé fin palé Li
mété Adan ak Ève déyò
nan bèl jaden-an. Paské
yo té péché, Li
séparé yo dé
Limenm.





Bondyé mété yon
gwo kouto difé dévan
pòt jaden an pou Adan ak Ève pa
tounen ladan li. Apré sa Li fè
rad pou yo ak po bèt pou yo
sa kouvri tout kò yo.
Ki koté Bondyé
té pran po
bèt sa yo ?




Apré yon tan, Adan ak Ève vin fè pitit. Lè prèmyé pitit yo-a ki té rélé Kayen vin gran, li fè métyé kiltivatè é li tap okipé jaden. Dézièm pitit yo-a, Abèl limenm té fé métyé élvè é li tap gadé patiraj mouton.




Yon jou, Kayen poté yon valè légim fè Bondyé kado pou-l fè Li plézi. Abel li menm poté yon valè nan pi bèl mouton li té genyen yo, tout prémyé pòté pitit ke mouton-l yo té mété ba. Kado Abèl poté-a té fè Bondyé plèzi anpil.




Sépandan, Bondyé pat satisfè ak kado Kayen té fè-l lan. Kayen faché anpil pou tèt sa. Men Bondyé di-l konsa "si ou fè sa ki byen, èské mwen pap aksépté-w ?"



Kòlè Kayen pa janm disparèt.
Sa vin fè ké yon jou, li mandé
Abèl soti avè-l, é lè li rivé nan
rout lakanpay, li touyé Abèl
pwòp frè li !



Bondyé rélé kayen, Li mandé-l "Koté frè ou Abèl ?"
Kayen bay manti, li réponn "mwen pa konnen. Èské
mwen sé gadyen frè mwen" Poutèt sa, Bondyé pini
Kayen, Li fè-l vin pa janm ka
kiltivé jaden ankò é Li fè-l
tounen yon vakabon.



Kayen wété kò li dévan prézans Bondyé. Apré sa,
li marié é li fondé yon fanmi. Byen vit Tout
pitit li ak pitit pitit li yo té vin anpil é
yo té péplé tout zòn péyi koté li
té rété-a.




Pandan tan sa-a, fanmy Adan ak Ève
tap gwosi anpil tou. Paské nan tan sa
yo, moun té konn viv pi lontan pasé
nan tan nap viv kounyé-a.




Ève fè yon pitit ankò ké li rélé Sèt. Lè Ève fè pitit sa, li di "Bondyé banmwèn Sèt pou ranplasé Abèl" Sèt té yon gason ki té réspékté Bondyé anpil. Li viv jiska 912 lané é li fè anpil pitit.



Pandan tan sa, sou tout tè-a, tout
moun vin ap pi méchan dé jou an jou,
jénérasyon apré jénérasyon. Rivé
yon lè, Bondyé désidé li pito détwi
tout moun ansanm ak tout sa
li té kréyé yo ...



... tout bèt ak tout zwazo. Bondyé
té régrèt li té kréyé lèzòm. Té
gen sèlman yon sèl grenn moun
sou tout tè-a Bondyé té jwenn,
kòm moun ki pat janm
sispann fè-L
plèzi ...



Moun sa té rélé Noé. Sé té yon
désandan Sèt. Noé té yon moun jis
é san défo. Li tap swiv chimen
Bondyé.



Li té toujou aprann twa pitit gason li
yo tou Sèm, Cham ak Jafèt, pou yo pa
janm sispann obéyi Bondyé. Sa fè ké
Bondyé fè plan pou Li sèvi ak Noé
nan yon misyon byen
étranj é byen
éspésyal !



Kòmansman foli lèzòm

Yon istwa soti nan pawòl Bondyé-a, la Bib,


Nap jwen-n nan

Génèz 3-6


"Pawòl Bondyé poté limyè."

Sòm 119 : 130





2



60



Istwa biblik sa rakonté nou kòman ké gen yon mèvèyé Bondyé ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Pinisyon pou péché sé lanmò. Sèlman Bondyé renmen nou si tèlman ké Li voyé sèl gren-n pitit Li-a Jézi, ki mouri sou lakwa pou nou, dékwa pou Li sa péyé dèt péché nou yo pou nou. Apré sa Jézi té résisité, é Li monté nan syèl la ! Ou men-m tou, si ou kwè nan Jézi é si ou mandé Li ak tout kè-w pou Li padoné péché ou yo, L'ap fè sa pou ou ! L'ap rantré nan lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa :
"Sényè Jézi, mwen kwè ké ou sé pitit Bondyé, mwen kwè ké ou té mouri pou mwen épi ou résisité ankò. Tanpri, rantré nan lavi mwen, padoné péché mwen yo, pou mwen sa gen yon nouvo lavi kounyé-a la, konsa lè gran jou-a va rivé, m'a va abité avè-w nan rwayòm ou an pou l'étènité. Édé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16

